

BOSNA I HERCEGOVINA
Federacija Bosne i Hercegovine
TUZLANSKI KANTON
JU MJEŠOVITA SREDNJA SAOBRAĆAJNA ŠKOLA TUZLA
Broj: 01- 62/20
Tuzla, 8.1.2020. godine

Na osnovu člana 130. stav (2) Zakona o srednjem obrazovanju i odgoju („Službene novine Tuzlanskog kantona“, broj: 17/11, 9/15, 6/16, 14/18 i 14/19) i Odluke Školskog odbora o raspisivanju konkursa za izbor i imenovanje direktora JU Mješovita srednja saobraćajna škola u Tuzli, broj: 01- 61/20 od 8.1.2020.godine, JU Mješovita srednja saobraćajna u Tuzli, raspisuje

K O N K U R S

za izbor i imenovanje direktora JU Mješovita srednja saobraćajna škola u Tuzli

- 1. Raspisuje se Konkurs za izbor i imenovanje direktora JU Mješovita srednja saobraćajna škola u Tuzli, na mandatni period od 4 (četiri) godine.**
- 2. Direktor škole obavlja poslove propisane Zakonom o srednjem obrazovanju i odgoju („Službene novine Tuzlanskog kantona“, br. 17/11, 9/15, 6/16, 14/18 i 14/19) i drugim važećim propisima kojima su propisane nadležnosti direktora srednje škole koje imaju status javne ustanove, odnosno kojim je uređen sistem rukovođenja javnim ustanovama srednjeg obrazovanja na području Tuzlanskog kantona.**
- 3. Pored općih uslova (posjedovanje državljanstva Bosne i Hercegovine i posjedovanje opće radne i zdravstvene sposobnosti za obavljanje poslova direktora škole, da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole), kandidat za direktora škole dužan je ispunjavati i sljedeće posebne uslove:**
 - a) da posjeduje visoku stručnu spremu (VII stepen stručne spreme ili završen prvi ciklus visokog obrazovanja u četverogodišnjem trajanju),
 - b) da ispunjava uslove za nastavnika ili pedagoga u skladu sa nastavnim planom i programom škole u kojoj konkuriše,
 - c) da ima najmanje pet godina radnog iskustva na poslovima nastavnika ili pedagoga škole poslije sticanja odgovarajuće stručne spreme,
 - d) da se ističe organizacionim sposobnostima.
- 4. Za direktora škole ne može biti imenovano lice kod kojeg postoje smetnje za imenovanje propisane članom 129. Zakona o srednjem obrazovanju i odgoju („Službene novine Tuzlanskog kantona“, br. 17/11, 9/15, 6/16, 14/18 i 14/19), odnosno lice:**
 - a) koje je pravosnažno osuđivano za krivično djelo koje ga po članu 108. stav (1) istog zakona čini nepodobnim za rad sa djecom,
 - b) na koje se odnosi član IX (1) Ustava Bosne i Hercegovine,
 - c) koje je član izvršnih organa političkih partija,
 - d) koje ima direktan finansijski ili drugi lični interes u školi u kojoj se kandiduje koji bi mogao dovesti do sukoba interesa sa njegovom dužnošću direktora,
 - e) kojem je u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
 - f) koje je pravosnažno osuđeno za neko od krivičnih djela iz člana 108. stav (1) Zakona o srednjem obrazovanju i odgoju, koje je kažnjavano iz oblasti privrednog prestupa, kojem je izrečena zaštitna mjera zabrane vršenja poslova direktora, nastavnika ili pedagoga škole ili koje u mandatnom periodu stiče uslove za odlazak u penziju shodno odredbama Zakona o radu,
 - g) koje je u školi u koju se kandiduje imenovan za direktora dva mandata.
- 5. Prilikom prijavljivanja na konkurs kandidat je dužan dostaviti sljedeću dokumentaciju:**
 - a) prijavu na konkurs koja sadrži kraću biografiju,
 - b) diplomu o stečenoj stručnoj spreml (original ili ovjerena kopija),
 - c) uvjerenje o položenom stručnom ispitu za samostalan rad na poslovima nastavnika ili pedagoga (ovjerena kopija),

d) potvrdu/uvjerenje o posjedovanju najmanje pet godina radnog iskustva na poslovima nastavnika ili pedagoga škole poslije sticanja odgovarajuće stručne spreme (original ili ovjerena kopija),

e) program rada i razvoja škole za period na koji se imenuje direktor,

f) uvjerenje o državljanstvu (original ili ovjerena kopija),

g) uvjerenje izdato od strane nadležnog suda da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole,

h) ovjerenu izjavu da nije pravosnažno osuđivan za krivično djelo koje ga po članu 108. stav (1) Zakona o srednjem obrazovanju i odgoju („Službene novine Tuzlanskog kantona, br. 17/11, 9/15, 6/16, 14/18 i 14/19) čini nepodobnim za rad sa djecom,

i) ovjerenu izjavu da se na njega ne odnosi član IX (1) Ustava Bosne i Hercegovine,

j) ovjerenu izjavu da nije osuđivan za krivično djelo,

k) ovjerenu izjavu da nije član izvršnih organa političkih partija,

l) ovjerenu izjavu da nema direktan finansijski ili drugi lični interes u JU Mješovita srednja saobraćajna škola u Tuzli koji bi mogao dovesti do sukoba interesa sa njegovom dužnošću direktora,

m) ovjerenu izjavu da mu u posljednje tri godine prije dana objavljivanja konkursa nije otkazan ugovor o radu zbog disciplinske odgovornosti ili u istom periodu izrečena disciplinska mjera otpusta iz državne službe,

n) ovjerenu izjavu da zbog svoje krivice nije razriješen dužnosti direktora neke od odgojno-obrazovnih ustanova i da u mandatnom periodu ne stiče uslove za odlazak u penziju,

o) ovjerenu izjavu da u JU Mješovita srednja saobraćajna škola u Tuzli nije imenovan za direktora dva mandata.

U slučaju potrebe, na zahtjev škole, kandidati su dužni dostaviti i drugu dokumentaciju kojom dokazuju ispunjavanje potrebnih uslova za izbor i imenovanje na dužnost direktora škole.

Pod ovjerenom izjavom podrazumjeva se izjava ovjerena od strane nadležnog gradskog ili općinskog organa uprave, odnosno izjava ovjerena od strane notara.

Kandidat koji bude izabran za direktora škole dužan je prije stupanja na dužnost dostaviti uvjerenje nadležne zdravstvene ustanove da je zdravstveno sposoban za obavljanje poslova direktora škole.

6. Odluku o izboru i imenovanju direktora škole, nakon provedene konkursne procedure, donosi Školski odbor, uz prethodno pribavljeno stručno mišljenje Pedagoškog zavoda Tuzlanskog kantona, a nakon toga, za kandidate koji su dobili pozitivno stručno mišljenje Pedagoškog zavoda, saglasnost Ministarstva obrazovanja i nauke Tuzlanskog kantona, te vlastite ocjene dostavljenog programa rada i razvoja škole za period na koji se imenuje direktor.

Kriteriji po osnovu kojih Pedagoški zavod Tuzlanskog kantona daje stručno mišljenje, odnosno kriteriji po osnovu kojih Ministarstvo obrazovanja i nauke Tuzlanskog kantona daje prethodnu saglasnost propisani su tačkom IV i V *Kriterija o utvrđivanju uslova na osnovu kojih se vrši izbor i imenovanje kandidata za direktora srednje škole čiji je osnivač Skupština Tuzlanskog kantona* („Službene novine Tuzlanskog kantona“, br. 11/14).

O rezultatima konkursa kandidati će biti obaviješteni u pisanoj formi.

Odluka Školskog odbora je konačna i protiv iste se ne može izjavljivati žalba, ali se nakon njene konačnosti može pokrenuti sudski (parnični) postupak.

7. Konkurs ostaje otvoren 15 (petnaest) dana od dana objavljivanja u dnevnom listu „Dnevni avaz“, Sarajevo. Prijave na konkurs, zajedno sa traženom dokumentacijom, kandidat dostavlja neposredno na protokol škole ili preporučenom poštom na adresu: JU Mješovita srednja saobraćajna škola Tuzla, Bosne Srebrene 6, sa naznakom „Prijava na Konkurs za izbor i imenovanje direktora JU Mješovita srednja saobraćajna škola u Tuzli - ne otvarati“.

8. Neblagovremene ili nepotpune prijave bit će odbačene i neće se uzeti u razmatranje.

